

EXAMINATIONS COUNCIL OF ZAMBIA
Examination for General Certificate of Education Ordinary Level.

Chitonga

3154/2

Paper 2

Wednesday

20 JULY 2016

Additional materials:
Answer Booklet

Time: 2 hours

Instructions to Candidates:

Write your name, centre number and candidate number in the space provided on the Answer Booklet.

You should refer to the instructions printed overleaf with the questions.

Write your answers in the separate Answer Booklet provided.

If you use more than one Answer Booklet, fasten the booklets together.

Information for Candidates

All questions in this paper carry equal marks.

Cell phones are not allowed in the examination room.

Ciindi: Mawoola obilo

Kulailila

Lemba zyina lyako, nambala yacikolo anambala yako abusena bwapegwa mukabbuku kabwiinguzi.

Langisisya malailile aalembedwe kunze antoomwe amibuzyo.

Lemba bwiinguzi bwako mukabbuku kabwiinguzi kapegwa.

Kuti naa wabelesya kabbuku kabwiinguzi kaina kuli komwe kapegwa, ubone kuti watujatanya kabotu antoomwe.

Cizyibyo

Mibuzyo yoonse ilijisi maaka aayelene.

Mafooni amumaanza taazumizyidwe pe mulembelwa musunko.

CIBEELA A [20]

1 Kosandulula cibalo eeci ucibikke mu Chitonga ciluzi.

During the April holiday, I went to visit my uncle in Livingstone. I had never gone there before. One Saturday morning, a cousin of mine, who is my agemate requested me to go shopping. The city was crowded as it was monthend. We entered a shop that had many sections but one of them carried me away. My cousin had moved on and when I looked up, I could hardly see her. Then I made a big mistake by going round searching for her. After failing to locate her, I panicked and I had no idea of my next move. Just then a young lady approached me and asked whether she could help me. I narrated my failed efforts to trace my cousin Chimuka. Suddenly, I heard my name being announced, asking me to go to the counter where she was. As I walked, she looked very worried. Chimuka hugged me on going outside. At home, she narrated the story to my other cousins who teased me for a long time.

CIBEELA B [30]

2 Kobala cibalo citobela kaumuumu, wamana uvwiile mibuzyo.

Mu Butonga kuli zyintu nzyotuzumina kuti nkozyili nokuba kuti zyimwi inga tazyiboneki. Kusonda akulowa zyiyanza nzyotuzumina kuti nkozyili mu Butonga. Muntu uutegwa mulozi muntu uulya uyeeyelwa kuti ujaya bantu kwiinda mukulwana bukkede azyinyanga-nyanga zyakwe.

Mumvwe cakacitika mumunzi mwa Chimbwali. Kwakazyikufwa mwana wakaide kwaanzuka buyo. Eeci cakanyonganya bantu bamumunzi. Cakabaalila kusyoma lufwu lwamwana ooyu.

Cakatobela sibbuku mumunzi ooyu wakayita mucape kuti azyikucape munzi wakwe. Wakasika mucape mumunzi aboobo bantu boonse bakayoboloka kuboola kuzyikubona cakajaya mwana. Mucape wakatalika mulimo wakwe. Bantu boonse bakanywisigwa meenda bamane bakatalika kwiimba, ngoma kazyilila awalo mucape kapilingana mukkazo ababelesi bakwe.

Teecakalampa ciindi zyintu zyakatalika kulibonya. Bantu bali bone bakakolwa meenda bakatalika kulabalika. Bamaalumi bobilo abamakaintu bobilo kwakaba gwete. Umwi mukaintu mbwaakanyamuka nkubalika kuya kuli bawisi mwana wakafwa kayaa buti, "Ngooyu mwanaanu, tamumuyandi sena? Hhi! Mulamuleka ndemuntu ndimupa mwanaanu." Naakamvwa boobu umwi mwaalumi wabaabo bakakoledwe walo nkugwagwamuka kuseka akuti, "Haye ena, ayebo ulicizyi cilengwa eeci. Oo yawe nduwe, ndalilubide atubape mwanaabo bapenga." Cakali kusesya akweetezya. Bazyali bamwana mbobaali kulanga mate mukwana nta. Kusyoma ncobakali kubona akuswiilila cakali kwaambwa cakabaalila. Nkujana bantu bacita zyoonse eezyo mbantu mbobalya limwi misalo.

Bobilo babaabo bakakoledwe bakayide buyo kulala mukkazo akutalika kulila mbuli babwa bawuula.

Naakamana mucape, wakatalika kwaambila bantu kuti mulimo wakwe wamana. Zyoonse nzyaakali kuyanda kwaamba balyaambilila balaazyo. Eno cacaala kubazyali kuti baambe ncobayanda kuti bacitwe bantu aabo bobilo balitondezya kuti mbobakajaya.

Katanamanizya kwaambaula mucape, umwi wabaabo bakakoledwe kapati wakasotoka awo mpaakakkede akuti, "Munyono ncidakamujaila, munyono walo cimbi pe." Kuzwa waawo bazyali bamwana bakaide kuti cilakatazya kusyoma aboobo kwiina ncekonzya kucita kaya abulozi bwakwe. Kumvwa boobu sikulowa wakaide kuloka kuzwa akauno nkaakakkede mpoonya ndwajilo walaya. Mukaintu awalo ucibona kuti mulumi wafwa waayide koongolola ajwi pati akuti, "Maawe! Munyono tawuyaki." Mpoona wakanjila syokwe.

Lino koingula mibuzyo itobela

- (a) Mwana ooyu wakafwa buti? [3]
- (b) Ncilengwa nzi ncaakazyi mweenzyinyina awalo? [3]
- (c) Nkaambo nzi bazyali bamwana cakabaalila kusyoma? [3]
- (d) Umvwa nzi atwaambo otu?
 - (i) Kulwana bukkede
 - (ii) Wanjila syokwe
 - (iii) Muntu ngomulya limwi musalo [3]
- (e) Ncinzi cakajaya mwaalumi oyu wakajaya mwana? [3]
- (f) Nkaambo nzi kutegwa munyono tawuyaki? [3]
- (g) Lemba mabala aambi akozyanya kwaamba ayaaya : [4]
 - (i) bakasika
 - (ii) mukati
 - (iii) kulunduka
 - (iv) kuwa
- (h) Mubuti bazyali bamwana sikufwa mbobakali basicamba? [3]
- (i) Mucape oyu wakali cibwene. Waabona nzi? [3]
- (j) Cipe mutwe cibalo eci. [2]

CIBEELA C [30]

Koyingula mibuzyo yoonse:

3 Komaninzya kulemba muzyibeela zyisiidwe. [10]

Mbuli: _____ mbulwazi buciswa muntu kuti walumwa mansenya.

Bwiinguzi - Ntuntumaanzi

- (a) Kuti ali mwana muvwanda kwayinda makaintu ulainda mwana inga wabaa _____
- (b) Ngulube nozyinjililwa bulwazi bwabukoto-koto kumeso inga twati zyaciswa _____
- (c) Mpongo kuti zyajundauka bulwazi butegwa _____

- (d) Bazyali bamwana muvwanda kuti kabavwuula inga mwana waciswa _____
- (e) Muntu uzimba munsu aamatwi uciswa _____
- (f) Muntu ujisi goyooyo lifwutumukide utegwa ujisi _____
- (g) Muntu wiide kukosooka minwe katacimvwi kucisa uciswa _____
- (h) Mwana naa mupati ujisi tukoto-tukoto tuniini amubili nkabela mubili kawupya uciswa _____
- (i) Akati kamalwazi alwana bantu aletwa abuvwuule bulwazi _____ bulasilikika.
- (j) Muntu waciswa _____ inga wabaa tukoto-koto twakube wapya.

4 Lemba misyobo yatukumbatizyo tujanwa mumabala ayengedwe mutwaambo tutobela. [10]

Mukozyanyo:

Wakasoogwa jilo

Kakumbatizyo

Oogwa

Musyobo

Nkakumamanino

- (a) Kabulo aaka nkikangu.
- (b) Wakayide buyo kugwisigwa.
- (c) Ucibala bbuku.
- (d) Wakaunka ku Namwala.
- (e) Mukasyangulule mapopwe cifwumo.
- (f) Mukali uulya tasobaninwi.
- (g) Yandaulisya ucijane.
- (h) Wakacili kulya.
- (i) Munzi uuli kujwe nkwaakazwa.
- (j) Danda yangu bakayimanizya jilo.

5 Maninzya kulemba mabala ayelede muzyibeela zyasiigwa. [10]

Mukozyanyo:-

Mbuli: _____ lugwalo lwasika baama ndwakunditambula.

Bwiinguzi – olu / Oolu

- (a) _____ njombe iciswa denketi.
- (b) Mutinta _____ ngoyanda uli mucibbadela.
- (c) Tubwa _____ twanjililwa bulwazi.
- (d) _____ kaambo keelede kutolwa kunkuta.
- (e) _____ banene balaa buzuba.
- (f) Bbuku _____ ndyobali kuyandaula bayi.
- (g) _____ mwaka kuli nzala.
- (h) _____ mbobuzuba mbondakali kulindila.
- (i) Mpokkede _____ kuli nsilibi.
- (j) Nookalizyi _____ ciindi notwakaswaangana, nookandaambila naanga taakwe apenzi.

CIBEELA D [20]

6 Umvwa nzi atwaambo otu tutobela?

Mbuli:

Kumubeleka bukkede _____ nkulowa.

- (a) Zuba lyasika akalanga bwaaseme.
- (b) Namutekenya wacimbaya-mbaya wakabaa ntunda.
- (c) Kusobanya mate mukanwa.
- (d) Oyu munene wacembaala zyoonse zyili koo cindyoli.
- (e) Ngaaya malweza aakonkwa bwimvwi.
- (f) Muka Mweene ano mazuba nimbukila bulo.
- (g) Oyu mukaintu nkana kalalila ntambo.
- (h) Ngu najempa wamwana.
- (i) Meso aakwe nankolola alikkalikene.
- (j) Kuseka cisesya bafwu.

MAMANINO AMUSUNKO!



**DOWNLOAD ECZ
PAST PAPERS
FROM YOUR
PHONE OR PC**

www.zedpastpapers.com